



Hondarribia

HERRI ALDIZKARIA
196. zkia . 2007ko martxoa

HONDARRIBIKO UDALA . EUSKARA BATZORDEA . DOHAIN

SAIHESBIDE BERRIA IREKI DA

(Argazkia: Fernando de la Hera)

4-10. Herrian barrena

12-13. Elkarrizketa:Ama Guadalupekoa

Judo Kluba

16-17. Erdi Aroko Hirien Sarea

20-21. Bordari eta Satarka

27. Gazte Informazio Bulegoa

30-31.Otsaileko demografia

JATETXEA-TABERNA



San Pedro, 35
20280 HONDARRIBIA

Tel. 943 64 27 71
943 64 10 19



San Pedro, 30
Tel. 943 11 02 03
20280 HONDARRIBIA

*Zure terrazak betiko zerbitzu onenarekin, Hondarribiko Portua auzoan,
gastronomi espezialitate onekin*



kutxa



Alprox
SUNSUNDEGI

Tel. 943 64 15 40
Santiago kalea, 17
20280 Hondarribia

BATZOKI

TABERNA - JATETXEA



Eguneko menua
- Menu bereziak
- Karla
- Gure terraza goza-eraza
- Gure Ama Guadalupekin

Munduko lehen 1000 onenak
2008 HONDARRIBIA - Gurea



Errehellin kalea 3 beheak

Tel. 943 64 48 00 • Lantegiko Tel. 943 64 56 45 • Faxe 943 64 44 97

20280 HONDARRIBIA


Remigio Mendiburu eta Korrika



Badator KORRIKA 15. Karrantzatik Iruñearaino Euskal Herria gurutzatuko du, euskararen aldeko mezua barruan daraman lekukoa eskuz-eskuz txandakatuz.

Hondarribitik martxoaren 31n igaroko da, 20:45etan iritsiko da Mendeluko biribilgunera eta herriko kaleetatik igaro ondoren, Iruñearako bidea hartuko du, apirilaren 1ean amaitzeko.

Korrikaren lekukoa, Remigio Mendiburu eskulturagile hondarribiarrak egin zuen 1980ko lehen edizio hartarako. Ordutik, zurezko ikur esanguratsu hori ezin konta ahala eskuk eraman du alde batetik bestera, Joxe Miguel Barandiaranek 91 urterekin eraman zuen eta ordutik hainbat euskaltzale zahar eta gazte, kirolari, artista, politikari ezagun nahiz herritar xumeren eta ezezagunen eskuetan ibili da.



Aurten Remigio Mendiburu jaio zeneko 75. urteurrena ospatu dugu, eta Hondarribiko Udalak hainbat ekitaldi antolatu ditu bere omenez. Bihoakio Euskara Zerbitzuaren honen omenalditxo hau ere KORRIKArako lekukoaren egileari.

Lekukoa hartzeko garaia dugu aurten,
 Arnasestuka
 Euskaraz
 Korrika gainera
 Lekukoa hartzeko garaia dugu aurten,
 Ahaztu ezazu
 Erdara eta
 Kalera atera
 Lekukoa hartzeko garaia dugu aurten, bai
 Ai, ama!
 Emadazu, Remigio, zutitu nadin
 Kokoriko nago-eta!
 Lekukoa hartzeko garaia dugu aurten
 Arima
 Eskua
 Kirola

Argitaratzailea:

Udal Euskara Batzordea

Erredakzioa/publizitatea:

ZIF & Comunicación

zifcomunicación@terra.es

Tel.: 943 63 81 28

Kolaboratzaileak:

Koldo Ortega

Ainara Elizondo

Martin Iturbe

Irati Goikoetxea

Argazkiak:

Hondarribiko Udala

ZIF & Comunicación

Fernando de la Hera

Floren Portu

Maketazioa:

Usoa Ramírez Melón

Inprimategia:

Antza

L.G. SS 122/86

HONDARRIBIAK ez du bere gain hartzen aldizkarian adierazitako esanen eta iritzien ondorioak.

TXANDAKO BOTIKAK MARTXOAN ETA APIRILEAN

25- Alameda Harresilanda, 9943 645798
 1- Erauskin San Pedro, 22943 641018
 5- Almajano Mendelu, 26943 640068
 6- Alameda Harresilanda, 9943 645798
 8- Mayi Martinez Almirante Alonso kalea, z/g 943 642191
 9- Iraola San Pedro, 5943 641027
 15- Iraola San Pedro, 5943 641027
 22- Sagrario Fiz Sokoa Merkatalgunea943 644316
 29- Almajano Mendelu, 26943 640068

TXANDAKO OKINDEGIAK MARTXOAN ETA APIRILEAN

25- Arratibel Mendelu auzoan943 641975
 1- Garmendia Portuan943 641136
 5- Martinez Kale Nagusia, 17943 641212
 6- Arratibel Mendelu auzoan943 641975
 8- Garmendia Portuan943 641136
 9- Arratibel Mendelu auzoan943 641975
 15- Garmendia Portuan943 641136
 22- Martinez Kale Nagusia, 17943 641212
 29- Arratibel Mendelu auzoan943 641975

Eusko Alkartasunak Txingudi Gipuzkoako Partzuergoan sartzea eskatuko du

Hondarribiko Eusko Alkartasunak Txingudiko Mankomunitatea Gipuzkoako Partzuergoan sartzeko eskaera formalki egin dadila eskatuko du, alderdiak Hondarribiko Alkate izateko hauteskunderetan aurkeztuko duen Ion Elizalde aditzera eman zuenez.



Ion Elizalde prentsurrekoaren une batean

"Pasa den legealdian zaborrak tratatzeko hainbat ekimen jarri ziren martxan, Europako direktibak Gipuzkoako zaborategiak epe ertainera itxi egin beharko zirela zioelarik. Ordutik aurrera gauza asko gertatu dira, Txingudiko Mankomunitateak bere proiektua hasi zuen, bestetik San Markosek bereari ekin zion eta azkenik, Gipuzkoako gainontzeko mankomunitateek Aldundira jotzen dute beste proiektu bat martxan jartzeko" esan zuen Elizalde.

Donostiako Udalak urtarilaren 30ean hartu duen erabakiak, "Gipuzkoako zabor tratamendurako aurreikusitak zeuden zenbait egitasmotan eragina zuzendu izan duela" uste du Eusko Alkartasunak.

"Aldundia eta mankomunitateek Gipuzkoako partzuergoa sortzera doaz eta guk bertan partaide izateko eskaera egin dezagun proposatuko dugu datorren Txingudiko Administrazio Kontseiluan eta batzarrean, Txingudik eskaera formalki egin dezan. Hartara, Hondarribiko erraustegiaren proiektua bertan behera geratuko litzateke eta Gipuzkoan erraustegi bakarra legoke, Donostiakoa".

Ikerketa historikorako beka deialdia luzatu du bailarako EAJ-k



Beka Irungo Batzokiak antolatzen du

Irun eta Hondarribiako EAJk 5.000 euroko diru laguntza eskaintzen duen nazionalismoaren ikerketa historikorako III. Rafael Picavea y Leguía beka emateko deialdia zabaldu du.

Laguntza honetara aurkeztu ahal izango dira Irun eta Hondarribiako historia ezagutu edo bere iturri historikoak berreskuratze lagungarri gerta litezkeen jatorrizko eta argitaratu gabeko ikerketa proiektuak. Gaia eta garaia aukeratzeko askatasun osoa izango du egileak.

Eskaerak, Irungo batzokian (Nabartenea Etxea. Kale Nagusia, 11 1. solairua; 20304 Irun) aurkeztu behar dira, martxoaren 26ko 21.00ak baino lehen eta hauekin, honako dokumentazioa: proiektuaren txosten laburra (20 orritakoa gehienez), ikasketa titulazioa eta egilearen ikerkuntzarako merezimenduak eta eskatzailearen lan egoera ziurtatzen duen agiria.

Epaimahaia Irungo (3), Hondarribiko (2) eta Euskal Herriko (1) EAJko kideek eta Historia arloko lau adituk osatuko dute.

Hemendik aurrera HONDARRIBIA aldizkaria zure etxean **dohainik** jaso nahi baduzu, bete ezazu harpidetza-txartel hau eta bidali edo eraman Udaletxeko Euskara Zerbitzura.

HARPIDETZA TXARTELA

Izen-deiturak:

Helbidea:

Herria:

Haurrentzat aktibitate sorta zabala Mendelun

Prebentzio Komunitarioko bulegoaren bitartez, Hondarribiko Udalak Mendelu auzoan umeekin egiten den gizarteratze lana sakondu nahi du.

Jon Diez, Izaskun Rueda eta Izaro Garbizu teknikariek batera emandako prentsaurrekoan, Aitor Kerejeta alkateordeak, "azken urteetan Mendelu hirigintza eta bizi baldintzen ikuspegitik asko hobetu da, baina auzoaren gizarter garapena funtsezkoa da aldi berean. Auzoak bizitza izan dezan, denekin bai, baina ume eta nerabeekin lan egitea bereziki beharrezkoa da".

Jon Diez teknikariaren hitzetan, "Mendeluren kokapenak ez ditu bertako umeak hiriko beste lekuetan egiten diren ekintza eta programetan parte hartzeri animatzen. Horregatik jarri genuen martxan Ikas-Jolas programa, eskolako lanak egitea eta aisialdia batzen dituen. Arrakasta handia izan du". Programa honetan 30 ume inguruk hartzen dute parte, astearte eta ostegunetan, 16.30etik 19.30era.

Honekin batera, Udalak Mendelun ekintza berriak bultzatzeko asmoa du. Hauen artean dago datozen asteetan 6 eta 14 urte arteko umeekin egingo den antzerki tailerra. Bertan, komunikazio eta inprobisazio dinamikak, txotxongiloak, mimika edota zirku jokoak (diaboloa, globoflexia, malabarrak) landuko dira, besteak beste. Tailerra astelehen eta asteazkenetan egingo da, 16.00etatik 18.00etara sei eta hamar urte arteko umeentzat, eta 11 eta 14 urte artekoentzat 18.00etatik 20.00etara.



Mendeluko auzoari bizitza ematea da helbuietako bat

Gaztelekuak ikastaro eta jarduera ugari eskaintzen ditu



Eskaintza oparoa luzatzen da Gaztelekutik

Saindua Gaztelekuak martxoa eta ekaina bitarte antolatuko diren ekintza eta ikastaro sorta zabala eskaintzen du. Datorren astean hasiko dira eta ekainaren 28an amaituko dira Udaleko Gazteria departamentutik antolatzen diren ekitaldiak.

Ikastaroak 12 eta 29 urteko gazteentzat antolatzen dira eta gainontzeko ekintzak aldiz 12 eta 17 urtekoentzat. Ikastaroak honako hauek dira, ikastaroetan parte hartzeko aldiz 35 euro ordaindu behar dira:

Kitarra/baxua: martxoaren 6tik aurrera astearte edo asteazkeneko, 17.45etik aurrera.

Perkusioa: perkusio afrikar, flamenko eta latino. Martxoaren 7tik aurrera asteazkeneko, 19.45etatik 20.45etara.

Kapoeira: martxoaren 8tik aurrera osteguneko, 18.30etatik 20.00etara

Hortaz gain, Gaztelekutik hainbat irteera, tailer eta ekintza eskaintzen zaizkigu. Laburbildurik, honako hauek dira:

Eskiatzera irteera, martxoaren 17an. Hilaren 5etik 9ra izenematea Sainduan, Hondarribiko gazteen elkarlaguntzarekin antolaturik

Tailerrak: Manga tailerra, asteazkeneko 18:00etan, eta Eskulan tailerra, ostiraleko 18:00etan. Tailerrak doakoak dira

Azken ekitaldia, ekainaren 28an burutuko den jaialdi handi bat da. Arratsaldeko 17:30etan izango da, kitarra, baxu, perkusio, kapoeira emanaldiak egongo direlarik, baita musika, skate ikuskizunak...

Hortaz gain, Saindua Gaztelekuak ohiko zerbitzuak eskaintzen jarraitzen du, hau da, argazki laborategia, ikasgela, bilera-gela, espresio gela, internet-gela, topagunea (Play-Station 2, DVD, CDteka, ping-pong, mahai-jokuak, musika...).

Informazio gehiagorako, arratsaldeko 17:00etatik 21:00etara 943643198ra deitu behar da Saindua Gaztelekuak.

Groenlandiako sukaldaritzaren hamabostaldia taberna eta jatetxeetan

Groenlandiako sukaldaritzarik onena Hondarribian egongo da martxoaren 14tik 25era, bertoko Ostalaritza Elkarrekin antolatutako ekimen bati esker. Hondarribiko Udalaren eta La Bacaladeraren babesarekin, baita Bidasoa Bizirik-en eta Euskal Hotz enpresaren laguntzarekin ere.

Europako iparraldetik etorritako zenbait sukaldarik Hondarribiko jatetxeetan bere lana erakutsiko dute. Alde batek, Runne Collinek eta Gitte Nestel-ek 1999 urteaz geroztik 'Nipisia' jatetxea zuzentzen dute, Groenlandiako hiri-burua den Nuuk hirian.

Asteazkena 21ean hitzaldi bat egongo da Jaizkibel Hotelean 19.30etan. Era berean, Natxo Gracia eta Jose Benitoren batera Abarka jatetxean eta Rio Bidasoa hotelean degustazioko afariak eskainiko dituzte hilaren 22 eta 23an. Horrekin batera, martxoaren 22an Gran Sol jatetxean Gipuzkoako txapeldunorde den Bixente Muñozekin pintxo degustazio bat egingo dute.

Gastronomia ekitaldi hauekin batera, Manu Thalamas, Bixente Muñoz eta Julio Rebolleda sukaldariek Groenlandiako sukaldarien produktuak eskainiko dituzte euren Enbata, Gran Sol eta Txantxangorri tabernetan.



Aurkezpen eguneko irudi bat

Munduko makailaorik onena omen dugu bailaran

Duela gutxi 'The Washington Post' egunkari

The Washington Post

estatubatuarrek argitaratu zuen artikularen arabera, Irungo La Bacaladera enpresaren makaila da munduko onena. Otsailaren 28an argitaratu zuen erreportaje honetan, Ellen Ficklen-ek (gourmet elikagaitan eta delicatessen produktueta adituak.).

Artikuluaren Ameriketako Estatu Batuetan aurkitu daitezkeen "espainiar" produktuen errepasoan egiten du. Produktu horietatik La Bacaladera enpresak esportatzen dituen makaila gatzatuaren azpizun eta solo-moak azpimarratzen ditu pil-pilean prestatzeko, batez ere.

Jose Mari Salvador enpresako gerenteak esan digunez, "pozik gaude tamaina honetako egunkari batek ezagupen hau eman digulako. Kalitateko produktuak egitea da gure asmoa, eta badirudi lortzen ari garela"

PEREGRINO
SALT COD LOIN FROM SPAIN
(Solomillo de Bacalao)

Nutrition Facts
Serving Size: 1 Piece (120g)
Servings per Container: 3

Amount Per Serving	% Daily Value*
Calories 160	
Total Fat 2g	3%
Saturated Fat 0g	0%
Trans Fat 0g	0%
Cholesterol 0mg	0%
Sodium 1.8g	68%
Potassium 40mg	8%
Total Carbohydrate 20g	8%
Fiber 0g	0%

*Percent Daily Values are based on a diet of other people's secrets.

Ingredients:
Cod, salt
Contains Cod
Distributed By:
TIENDA INC.
Tusano, VA 23168
www.tienda.com
Product of Spain
Refrigerate after opening

NET WT:
12.7oz (360 gr)

This is the finest type of bacalao, packed in salt on a Spanish fishing boat hours after it was caught. The solomillo (tenderloin) is the finest cut of the fish.

DIRECTIONS: Rinse thoroughly in cold water; then soak for 48 hours in cold water, skin side up. Keep refrigerated, changing water every 6-8 hours. It should roughly double in thickness. Dry with a paper towel after soaking.

La Bacaladera-ren produktuek sona handia lortu dute

KARNET ERAKO ARGAZKIRIK BEHAR?

NAN, GIDA BAIMENA, EHIZA, IKASTETXE...

EDOTA LAGUNEI OPARITZEKO

20 ARGAZKI KARNET ERAKOAK

BAKARRIK

3,58.-euro

foto FRANAN

Zuloaga, 4
Anbulegiaren parean
HONDARRIBIA

ARRETXE



ERRETERIA

Larzabal 14 • 943 34 01 82

DONOSTIA

Zabaleta 54 • 943 28 65 72

HONDARRIBIA

J. Alonso 7 • 943 64 27 77

Mendelu 17 • 943 64 70 58

Donostira autobusez joateko zerbitzua sendotu da

Autopistaz Hondarribia eta Donostia batzen dituen autobus zerbitzua sendotu egingo da. Horretarako, gaur egun Zuloaga kaletik atera eta Donostiara heltzen den zerbitzua bertan behera geratuko da, eta zerbitzu berri bat abian jarriko da, hiritarrarentzat zerbitzu eta onura gehiago ekarriko dituen.



*Autopistatik doan autobu-
saren irudi bat*

Eskaintza berria esperimentu bat izango da uztailaren 31 bitarte eta astelehenetik ostiralera hamahiru zerbitzu izango ditu, hamaika larunbatetan eta hamar igandetan. Iraupena 25-30 minutukoa izango da eta prezioa, 1'70 eurokoa.

Martxoaren 1etik hasita, Donostiara joaten diren guztiek geltokia San Kristobalen dute, Ama Guadalupekoa ikas-tetxearen aurrez-aurre. Zuzenean Donostiara joango dira Gipuzkoa plazan amaituko delarik ibilbidea. Itzulerako bidaian aireportuan geratzen da autobusa, gero San Kristobalera joango delarik, eta bertako biribilgunean buelta eman eta bide berari ekingo diolarik.

Ordutegiari dagokionez, astelehenetik ostiralera honako hau da. Lehena goizeko 7.15etan irtengo da eta orduro bat egongo da: 8.15, 9.15, 10.30, 11.30, 12.30, 13.40, 14.40, 15.40, 17.40, 18.40 eta 19.50. Itzulerakoa, Donostiatik lehena 7.45etan irtengo da eta azkena 20.20ean.

Larunbatean, Hondarribitik lehena 7.15etan irtengo da eta orduro bategongo da 10.30etan, izan ezik, bertan behera geratzen baita beste bat gehitzeko 20.20an. Gaueko 21.20an azkena irtengo da Donostiatik.

Igande eta jaiegunetan, Hondarribitik irteten lehena 10.30etakoa izango da. Orduro bat egongo da, 15.30etan izan ezik, beste bat egongo delarik gaueko 20.50ean. Hiriburutik, azkena 21.20an aterako da.

Bidasoa Bizirik-ek Hondurasekin lan egiten du garapen ekonomikoa bilatzen

Hilaren hasieran Bidasoa Bizirik-ek Honduras-tik etorritako delegazio bat jaso zuen, bertoko arlo desberdinetako 28 eragilez osatutakoa. Rio Bidasoa hotelan egin zitzairen harrera ofiziala, eta ondoren, mintegi bat ospatu zen sustapen ekonomikoa eta garapenerako bideak zeintzuk diren aztertu zirelarik.

Mintegian parte hartu zutenen artean, Aitor Kerejeta Hondarribiko Udaleko Lehen Alkateordea, Guillermo Echenique, Bidasoa Bizirik-en kontseilari delegatua, Izaskun Sanchez Nazioarteko Elkarkidetzarako Espainiar Agentziaren ordezkaria, eta Carlos Miranda, Comayagua (Honduras) herriko alkatea eta Ertamerikako herrialde honetako herrien elkarteko presidentea izan ziren, baita 28 pertsonen osatutako delegazioa ere.

Kerejetak esan zuenez "garapen lokalean garrantzia jartzea garrantzitsua da, merezi du, egunerokotasunean garrantzitsuena zer den ahaztu egiten zaigu eta, hau da, pertsona. Norbanakoaren garapena bultzatu egin behar da, langabeziarekin bukatu, langabetu bat dagoen tokian arazo bat baitago. Bidasoa Bizirik-etik Honduras-i laguntza eskaini nahi diogu beharrezkoa duten alor guztietan, denok bilatzen ditugun helburuetan jarraitzeko".

Hondurasko delegazioaren izenean, Carlos Mirandak "arrakasta izan duten esperientziak ezagutu nahi ditugu, hemen goa bezala, gero guk pertsonen arteko berdintasunean aplikatu ahal izateko. Guretzat bisita garrantzitsua da, baita historikoa ere, gero gure herrialdean egin beharreko lanean urratsak ematen hasteko" esan zuen.



*Aurkezpena Rio Bidasoa hotelan
burutu zen*



**AUKERA HAUNDIA BANDERILA
ETA KAXUELETAN**

San Pedro, 31
Tel: 943 642705

20280 HONDARRIBIA



San Pedro, 27 20280 Hondarribia
Tel.: 943 642 102

Kirol Portuko gune komertzialak alokatzeko deialdia zabaldu da

Datorren apirilaren 2 arte irekita dago Eusko Jaurlaritzak kudeatzen duen Kirol Portuko gune komertzialaren alokairua finkatuko duen lehiaketa. Aipatutako inguru honen azalera 4.000 metro karratukoa da, bi solairutan banatuta. Duela zenbait hilabete hasitako lanak amaitzeke daudelaren seinale argia da.

Euskadiko Kirol Portuak erakundeak kudeatuta, Kirol Portuan dauden itsasontzi eta zerbitzu desberdinei zerbitzua emateko sortuko da gune komertziala. Merkatal izaera eduki beharko dute eskatzaileek, hau da, ostalaritzakoak edota kultur-olgetarakoak. Printzipioz, kontratua 12 urteko iraupenekoa izango da ostalaritzako komertzioentzat eta 8koa gainontzekoentzat. Luzapenak emateko aukera zabaltzen da, ohikoak diren baldintzak eman beharko direlarik.

Prezioei dagokienez, ostalaritzako negozioentzat metro karratuko 180 euro kostako da eta 126 gainontzeko negozioentzat. Aurkezte epea amaituta, lehiaketa ireki bat egingo da eskatzaileen artean.

Interesa dutenek, informazio gehiago topatuko dute Euskadiko Kirol Portuak kaian bertan daukan eraikinean, edota www.ekpsa.com gunean. Proposamenak prestatzerakoan, EKP-k Gasteizen daukan egoitzean aurkeztu behar dira, apirilak 2ko eguerdiko ordubatak aurretik.



Kirol Portuaren gune komertzialaren irudi bat

Maria Iriartek 100 urte bete ditu



Maria Iriarte eta bere familiaren argazki bat

Pasatako martxoaren 6an, Maria Iriarte Etxebeste hondarribiarrak 100 urte bete zituen. Herritar bat adin horretara heltzen den bakoitzean Udalak egin ohi duen bezala, zenbait udal ordezkari, Aitor Kerejeta alkateordea eta Maite Pelaez Gizarte Zerbitzuetako zinegotzia bere etxera joan ziren lore sorta bat ematera. Sasoi-ko dagoela ikusi ahal izan zuten. Zorionak eta urte askotarako, Maria!

Mikel Jauregi izango da Alardeko Burgumaisu berria

Mikel Jauregi Berrotaran izango da gutxienez datozen lau urteetan Hondarribiko Alardeko Burgumaisu berria. Martxoaren 16an Alardeko Mandoen egindako bilkuran, Jose Mari Guruchet-ek ohiko lau urteak bete ondoren, hautagai berria aukeratu behar zen eta Jau-regi izan zen hautatua.

Datorren 2007ko irailaren 8an beraz azken zortzi urte hauetan Alarde Fundazioko idazkari izan den Mikel Jauregi izango da desfileko arduradun nagusia.

JATETXEA
LA HERMANDAD DE PESCADORES

Calle Zuloaga, 12 • HONDARRIBIA • Tel. 943 64 27 38

Foto Sistema

ARGAZKIAK
ORDU BETEAN

Itsasargi 3
 Tel 943 64 57 65
 20280 HONDARRIBIA

Kontu Txikiak: haur kantu eta jolasak jaio-berrientzat



Liburu eta CD bana emango zaie haurren gurasoei

Zuhaitz Egunean, martxoaren 24an, zuhaitzak landatzeko Guadalupe inguruan bilduko diren haur jaiaberrien gurasoei, Kontu txikiak izeneko liburuxka eta CD-Roma banatuko zaizkie, beren haurtxoekin euskaraz kantatu eta jolasteko lagungarri izan ditzaten.

Euskara Zerbitzuak aurreko urteetan ere banatu du material hori, eta oso gurasoek pozik hartzen dute, erabilgarria gertatzen zaielako, bertan, euskal tradiziozko kantak, esaerak eta abarrez gainera, haurrek dituzten behar eta egoera bakoitzean erabiltzeko haur-hiztegi zabala ere jasotzen baita.

Horretaz gainera, interesaturik dauden gurasoentzat ikastaro laburrak eskaintzen dira material hori erabiltzen ikasteko. Liburuxkarekin batera ikastaro hauei buruzko informazioa ere emango zaie, baina argibide gehiago nahi duenak deitu dezake Euskara Zerbitzura: 943 111241 telefonora.

Martxoaren 24an ospatuko da zuhaitz eguna

Duela 12 urte hasi zen ekitaldi bati jarraiki, aurten martxoaren 24an ospatuko da Zuhaitz Eguna. Iaz jaiotako 182 herritarren omenez Oiamungo Gainaren inguruan, Guadalupe atzekaldean, zuhaitz bana landatuko da.

Gregorio Berrotaran Nekazaritza eta Ingurumeneko zinegotziaren hitzetan, "ekitaldi honen bidez, hondarribiar bakoitzaren jaiotza goresteaz gain, naturarekiko begirune eta arreta era orokorrean eta gure mendi eta bertako espezieekikoena ere bereziki irakatsi nahi dira, urtero basoak oihaneztatzeak ekarpen hau eginez".

Borja Jauregi alkateak Udalbatzaren izenean guraso bakoitzari zorian txartela bidali dio haurraren jaiotzagatik, eta Berrotaranek, zuhaitz landaketari ekin baino lehen, haur bakoitzari txartel bat emango dio bere izen eta jaiotze-datarekin.

Duela sei urtetik hona egiten den bezalaxe, Hondarribian jaiotako 7 urte betetzen dituzten guztiei, Berrotaran Zinegotziak berak egindako "makila" bana oparituko die, mendiko ibilaldietan lagun izan dezaten.



Gregorio Berrotaran Ingurugiro eta Nekazaritzako zinegotzia prentsaurrekoaren une batean



**JAVIER
OPTIKO**

OPTIKA ETA OPTOMETRIAN DIPLOMATUA
OPTOMETRIA KLINIKOAN MASTERDUNA
KONTAKTUKO LENTEAK

San Pedro, 6
Tel. eta Faxe: 943 64 37 75
20280 HONDARRIBIA



ENARA
INMOBILIARIETAN ADITUAK
www.inmobiliariaenara.com



San Pedro 1 Tel. 943 64 39 72
20280 HONDARRIBIA Tel. y Fax 943 64 54 38
Serapio Mugika, 2
20302 IRUN Tel. y Fax 943 00 46 28

Olioa eta etxebizitzetako hondakin arriskutsuak jasotzeko zerbitzua areagotu da

Txingudiko Zerbitzuak-ek duela gutxi etxebizitzetako olioa eta hondakin arriskutsuak jasotzeko zerbitzua areagotu egin du. Hemendik aurrera, hileroko hirugarren larunbatetan Benta Zaharreko aparkalekua-
ren sarreran, ibilgailu egokitu batek goizeko 10:00etatik 12:00etara produktu hauek jasoko ditu.



Jasoketa Bentako aparkalekuan egingo da

Zerbitzu honen bidez etxebizitzetako ondorengo zaborrak jasoko ditu:

- Lanpara eta fluoresenteak.
- Sukaldeko olioak
- Termometroak.
- Automozioko zaborrak: olioak, bateriak, filtroak, balazta-likidoak...
- Gailu elektriko-elektronikoak: ordenagailuak, irati-walkman, telebista mandoak, mugikorak, kalkulagailuak, argazki kame-
rak...
- Tinta eta toner kartutxoak.
- CD-DVD disketteak.
- Argazkiak: fijadoreak, bainuak.
- Txiskeroak.
- Kolak, margoak, disolbatzaile, bernizak.
- Pilak eta bateriak.
- Garbiketa produktuak.
- Radiografiak.
- Aerosol ontziak: intsektizidak...
- Pestizidak-pozoiak.

Aitor Kerejeta, Hondarribiko Udaleko alkateordeak esan duenez, "tankera honetako hondakinak jasotzeko eskari ugari izan ditugu, eta hori del aeta Txingudiko Mankomunitatearekin elkar-
rizketak mantendu ditugu zerbitzu hau abian jartzeko asmo-
tan. Orain, hileroko hirugarren larunbatetan 10:00etatik 12:00etara jasoko dira hondakin hauek. Aurrerantzean zerbit-
zua txiki geratzen dela ikusten badugu, areagotu egingo
dugu".

Kalean Kantuz arrakastatsua San Pedro kalean

Martxoaren 11n ospatu zen KALEAN KANTUZ Honda-
rribian. Aurreko urteetan ere antolatu izan zen ekital-
di hau eta gero eta sendoago da partaidetza.

Arantxa Lasalderen kitarraren inguruan, ehunka lagun, heldu
zein gazte, gustora bildu ziren San Pedro kalean, betiko eus-
kal kantuak elkarrekin kantatzeko.

Saioak bi ordu inguru iraun zuen eta hurbiltzen ziren guztiek
kantuen testuak dohainik banatutako orrialdeetan segitzeko
aukera izan zuten. Eguzkiaren laguntzaz giro aparta sortu
zen eta 400 kantutegi zabaldu ziren.

Udalaren Euskara Zerbitzuak antolatzen du ekitaldi herrikoi
hau, eta lortutako arrakasta ikusi eta gero hilabetero antola-
tzeko asmoa dauka, hilaren bigarren igandean. Abesti tradi-
zionalak erabiliz, herrian euskara zabaltzea eta sustatzea
bilatzen du Udalak, musika eta alaitasunari lotuta.



Kalean Kantuz ekitaldi hilabetero ospatzen da

Aise
1971-1994

Aise Iruñean eta
orain **Hondarribian!**

Zentro psikopedagogikoa
Laguntza eskola

Miren Zabala
Juan Laborda 2, behea
20280 Hondarribia
Tel.: 943 64 05 65 - 656 71 22 92
E-mail: aisebidasoa@euskalerrria.org

**PINTXO, RAZIO ETA OGITARTEKOETAN
ESPEZIALIZATUA**

Bar Ignacio

**SAN PEDRO, 20 20280 HONDARRIBIA
TEL. 943 643 557**

Martxoaren 31n igaroko da Korrika

Aurreko egunean Korrika Txikia ospatuko da



lazko Korrika Txikiaren irudi bat

Korrika Alfabetatze Euskalduntze Koordinakundeak (AEK) Euskal Herri osoan zehar egiten duen euskararen aldeko lasterketa erraldoia Hondarribitik igaroko da martxoaren 31an. Aurreko egunean, Korrika Txikiaren unea izango da.

Gure hizkuntzaren aldeko kontzientzia suspertzea eta gau-eskola zein euskaltegien eguneroko lana indartzeko dirua biltzea ditu helburu. Aurtengo, 10 egunez eta gelditu gabe, Euskal Herria zeharkatuko du berriz ere Korrikak. 2.150 kilometro euskararen alde, adin eta mota guztietako milaka korrikalarirekin, gau eta egun gelditu gabe. 600.000 lagunetik gora izan dira parte-hartzaileak aurreko Korrika edizioetan.

Aurtengo ekitaldia martxoaren 22an hasiko da Karrantzan (Bizkaia). Euskal Herri osoa zeharkatu ondoren, martxoaren 31n Urruñatik Hendaia eta Irunera heldu ondoren, Hondarribira etorriko da. Gaueko 20.51etan izango da AEK-k luzatutako ordutegiari jarraiki. Gero, Irunera joango da berriz eta handik Endarlaza, Etxalar eta gelditu gabe Iruñeara.

15. edizio honetan, euskal emakumeak izan duen garrantzia eta ezinbesteko papera goraipatu nahi ditu Korrikak. Urtetako menderakuntza, jazartze eta zigorreire aurre egiteko eta euskal kultura eta euskara, belaunaldiz belaunaldi, gorde eta transmititzeko, euskal emakumeek izan duten indarra, adorea eta balioa omendu nahi ditu Korrika 15ek.

Eskifaia Abesbatzak XXV. Eliz Musikaldia antolatu du

Martxoan zehar Eskifaia Abesbatza Udal Kultura departamentuarekin batera antolatzen duen Eliz Musikaldiak mende laurden beteko du. Aurtengo ediziorako, Udalak 8.700 euroko laguntza ematen du.

Eliz Musikaldiaren 25. ekitaldi honen aurkezpena martxoaren 21ean egingo da, Zuloaga Etxea. Bertan, aurkezpenaren ondoren, gaiarekin lotutako erakusketari hasiera eman go zaio. Martxoaren 23an, arratsaldeko 20.30etan, Javier Bustoren hitzaldi bat egongo da Carlos V. Paradorean, eta ondoren Xatz Eskifaia kontzertu bat entzun ahal izango da.

Martxoaren 24ean, larunbatean, Jasokundeko eta Sagarrondoko Andre Mari Parrokian Hondore Koru Taldearen kontzertua egongo da 20.30etan. Hurrengo egunean, Kup Koru taldearen emanaldia egongo da ordu berean.

Hurrengo asteburuan, martxoak 31 eta apirilak 1ean, Kanta Cantemus ostiralean eta Eskifaia Abesbatza, Irungo Musika Fundazioaren Orkestra eta J.M. Azkueren kontzertu batetaz gozatu ahal izango dute Parrokiara hurbiltzen diren guztiek. Arratsaldeko 20.30etan izango dira denak.



Eskifaia Abesbatzaren txanda apirilaren 1ean izango da

EXPERT

GEURIA

SUKALDEKO ALTZARIAK
Tel. 943 64 07 14

ETXETRESNAK
Tel. 943 64 33 86

San Pedro, 3 • San Pedro, 4
20280 HONDARRIBIA

HONDARRIBIKO
GIMNASIOA

AEROBIC, SPININ, FUNKY, HIP-HOP,
BODY BULDING, BODY COMBAT,
MUSKULAZIOA, MANTENIMENDUA,
MASAJEAK, SAUNA, PIRAGUEN ALOKAI-
RUA ETA GORDELEKUA...

"ZURE GIMNASIOA HERRIAN BERTAN"!!!

Hondarribia Arraun Elkarte • Tel. 943 64 01 61 • 20280 HONDARRIBIA

AMA GUADALUPEKOA JUDO KLUBA

Ainara Otegi



Gustuko lekuan aldaparik ez dagoen moduan, gustuko kirolak ere ez du nekerik sortzen. Hori pentsatuko dute Hondarribiko kirolari askok, baita Ama Guadalupekoa judo klubeko gazte askok ere, horien artean Ainara Otegi. Txoko honetan kirol honen zale asko dagoela aitortu digu Ainarak, berak ordezkatzeko duen klubean makina bat judoka Gipuzkoa, Euskadi edo Espainia mailako txapelketan arerioa menderatzeko gai baita. Hona ondorengo lerrootan neska gazte honek judoaren inguruan kontatutakoak.

Noiz hartu zenuen presidente kargua? Zein da zure zeregina?

Duela hilabete pasatxo hartu nuen klubaren ardura, lehendik Dani Palavecínok zuena. Momentuz urtebetez izango naiz kargu honetan. Nire zeregina zein izango den? Bada, urtean behin edo bitan antolatzen ditugun bileretan parte hartzea, urteroko lehiaketekin jarraitzea, klubeko gainerako kontuak eramatea...

Zuen kirol kluba aspaldikoa al da?

Judo kluba sortu zela 8-9 urte izango dira oker ez banago.

Judoka asko al zarete Ama Guadalupekoan? Bertan sartzeko baldintza zorrotzak al dituzue?

Izen emanda eta judoan aritzen garenak 100 lagun gara (txikietatik hasi eta handietaraino). Baldintzei buruz ezin dizut gauza ziurrik esan, klubaren martxa oraintxe hartzen hasi baina. Hala ere, badakit hasierako kuota behin bakarrik jarri eta gero bazkide izan zaitezkeela denboraldi batez.

Zein lehiaketatan hartzen duzue parte?

Txikien mailan ez dago konpetizio ofizialik; antolatzen diren lehiak beraien artean edo beste klubetako judoken artean izaten dira. Handixeagoen artean,

hots, 8-10 urte arteko gaztetxoei dagokienean, eskola kirola da ekintza nagusia. Talde bakoitzak bere ingurukoekin ligaxka modukoa egiten du. Asteburuetan eta hiruzpalau egunetan konpetizioa antolatzen da; hartara, Gipuzkoako beste herrietako neska-mutilekin elkartu eta txapelketa izaten da (eta hortik ateratzen dira Gipuzkoako 1go, 2. eta 3. judoka onenak). Infantilen mailan, hau da, 12-13 urte artean, lehiaketa serioagoak jokatzen dira; maila honetan Gipuzkoa, Euskadi eta Espainiako konpetizioak egiten dira. Italiara, Madril, Avilesera... joan izan gara. Kadete eta junior mailetan ere infantilen mailan jokatzen diren lehiaketa berberetan parte hartzen dute gazteek. Kadeteak aipatu ditudanez, aurtun Espainiako txapelketan 3. postua eskuratu dugula esan beharra dut.

Zu ere, Ainara, judoka zaitugu...

Bai, ni senior mailan nago, baina lana dela eta ez naiz kanpora gehiegi ateratzen; Gipuzkoa, Euskadi eta Espainiako txapelketetan baino ez naiz izaten.

Txapelketetan parte hartzea esperientzi bikaina izango da, baina hara eta hona mugitzeko, kontzentrazioetara joateko eta beste hainbat bidaia egiteko nolabait moldatu beharko duzue...



Ainara Elizondo

Bai, lehiaketetan parte hartzeko, edo hurrekin alde batera eta bestera mugitu ahal izateko ezinbestekoa egiten da gurasoen laguntza. Adibidez, Avilesera urtean behin joaten gara eta bidaia egiteko guraso batzuekin moldatzen gara. Orain arte horrela konpondu izan gara eta ez dugu arazorik izan.

Laguntzarik jasotzen al duzue kluba aurrera ateratzeko? Jantziak, entrenatzeko lokala... nola lortu duzue?

Orain arte laguntzak jaso izan ditugu, bai. Jantzia bakoitzak berea erosi ohi du eta entrenamenduak Ama Gudalupekoa ikastetxean egiten ditugu astean bitan. Orain dela urte batzuk lokalaren gainean Udalarekin hitz egin genuen, baina oraingoz ez digute ezer esan eta gaia geldidago.

Ze maila dago zuen klubean?

Oso ona benetan, sekulako palmaresa dugu! Jokin Sagarzazu Espainiako txapeldun izan da urte pare batean, Marcos Garcia 5. postuan geratu zen orain dela urte batzuk Europa mailan, aurtan 3. postua lortu dugu kadete mailan Espainiako txapelketan eta Gipuzkoako txapelaren jabe ere bagara elkarte bezala.

Sakrifizio handiko kirola al judoa?

Gauza guztiekin gertatzen den bezala, urrutira iritsi nahi baduzu noski gogorra dela. Esaterako, borroka 60 kilo-



Haur eta gazteak aritzen dira Ama Gudalupekoa Judo Klubean

tan egiten baduzu eta bizpahiru kilo hartzen badituzu, bada, zaindu beharra daukazu normala den bezala.

Zeintzuk dira judoka batek behar dituen ezaugarriak?

Kontzentrazioa eta asko entrenatzea. Guk, adibidez, judoa astean bitan egiten dugu, baina gainerako egunetan ez gara egonean egoten. Egoera fisikoa eta fondoa lantzen dugu judoa egiten ez dugun egunetan.

BAR · RESTAURANTE **LARRA**

C/ DAMARRI, 4
20280 HONDARRIBIA
TEL.: 943 64 27 04



Pintxoak, Ogitartekoak, Plater konbinatuak,
Eguneko menuak, Menua kartan



GESTIÓN:

CONTABLE,
FISCAL,
LABORAL
* SEGUROS

GESTIOA:

* KONTUHARTZAILEATZA, FISKALA
ETA LANAREKIN LOTUTAKOA
* ASEGUROAK

“Euskaldunon antzinako sustraiak” (III)



Martin Iturbe

Gaur berriro, Izadi zabalera begira jarriko gara, “ZERTAN ETA NOLA SOMA IZAN DUEN EUSKALDUNAK SAKRATUAREN PRESENTZIA” aztertzeko.

b) MENDIAK

Gizonaren zibilizakundeak aurrerapen haundiena lautadatan izan badu ere, lan hau bideratu duten gizonak mendietatik datoz; eta harrigarria gertatzen da zer nolako erlijio-aztarna ugariak uzti dizkigun gizon honek mendien inguruan: ermitak, agerkundeak, mitoak...Izan ere, lehen euskaldun harentzat badu mendiak halako misteriozko giro bat, lur honetatik aterarik, zeruruntz jasotze bat. Mendietan bizi dira izpiritu indartsuak eta han agertzen dute beren indarra; handik dator gizonaren sabalbidea, han aurkitzen du ziurtasuna; gizona igaro egiten den bezala, mendiak iraun egiten du. Adibide bezala, bakoitzak bere ingurukoez osa dezakeena, hona zenbait mendi, beren luze zabalean mitoz eta ispirituz hornituak:

=AIZKORRI, Mari-ren bizilekua.

=ANBOTO, damaren mitoaz gainera prehistoriako gizonaren dokumentu ugari utzi dizkiguna eta oraindik ere ermita eta santutegi asko eskaintzen duena, mitologia sakratu honen lekuko bezala.

=GAZTELU, Zaldibian, hau ere trikuharriz eta mitoz jositako inguru batetan.

=HERAUSU, Benafarroako Doneztiri eta Armendaritze bitartean.

d) HARRIAK

Harriak beti izan du lehen gizonarentzat eta baita euskaldunarentzat ere oso esanahi sakona, duen gogortasunagatik eta iraupenagatik; gizonaren aldakortasunaren aurrean, harriak bere izaeran berdin dirau garairik garai. Euskal luraren izakera bera, haitz ugariz, gogorrez, zorrotzez, trinkoez josia, goren mailako hierofania zela esan dezakegu euskal gizaki harentzat. (Gogoan har aurreko puntuan mendiei buruz esandakoa).

Ona hemen harriaren kultuaren garrantzia Euskal Herriko

=Harrespiletan: Ezkain(Ezkurra), Unamene (Arano), Egiar, Errenga, (Oihartzun)...

=TRIKUHARRIETAN: Sagastieta (Hernani), Aizko-mendi (Egilaz) , Igaratza (Aralar)...

=IRUINARRIETAN: Iparla (Bidarra), Latargi (Ezkurra), Mehatse (Itsasu).

Izan ere, harriok hildakoak zaintzeko eta hildakoen arimentzat bizilekua emateko asmoz jarriak izan ziren.

Hau nahikoa ez balitz, badira baita “Jinko-harriak” deituak ere. Jaso eta sukaldeko leihotetan jarri behar direnak, badira bide ondoan jartzen direnak ere: zertarako ote? Ziur jakin ahal izan duguna zera da: harriak lehen euskaldun hari jainkotasunaren presentziaz hitzegiten ziola.

(Jarraituko du)

Mendebaldeko saihesbidea ireki da

Hondarribiko saihesbidearen bigarren fasearen inaugurazioa martxoaren 6an burutu zen. Bertan izan ziren besteak beste Joxe Joan Gonzalez de Txabarri Gipuzkoako Ahaldu Nagusia, Borja Jauregi Hondarribiko Alkatea, Javier Zuriarrain Bide azpiegiturarako Diputatua eta Josu Agirrezabalaga Errepideetako Zuzendari Nagusia.

Jauregi alkateak esan zuenez, "oso azpiegitura garrantzitsu baten aurrean gaude, gure hiriko sarrera eta irteera asko erreztuko duen zerbait da eta, bai hemen bizi garenontzat baita gure hirira etortzen diren guztientzat ere, asko dira eta".

Ireki berria den bigarren zati honek kilometro bat baino gehixeago dauka, eta elementu nagusi bezala hartzen ditu, alde batetik, hiru biribilgune berriak egitea (Muliata, Montaña eta Torrea) eta, bestaldetik, Labreder kalea hiri saihsbide gisa egokitzea. Lehen saihsbidea 2003ko abuztuan ireki zen. Obraren kostu osoa 4,4 milioi eurokoa izan da.

Egindako obrak, laburbilduz, honako hauek dira:

- 850 metroko errepide berri zati bat, Santa Engraziko oraingo biribilgunean hasi eta Montaña baserriaren ondoan Jaizkibelgo errepidearekin (GI-3440) lotzen den arte.

- Labreder kalea hiri-saihsbide gisa egokitzea eta

- Hiru biribilgune berri:

- * Muliatako biribilgunea: Txiplaoko poligonorako bideadarra eta Muliataren egingo den etxegunerako sarrera-irteera bideadarra ditu.

- * Montañako biribilgunea: Jaizkibelgo errepideko (GI-3440) bidegurutzean, eta saihsbidearen jarraipena Labreder kaletik.

- * Torreko biribilgunea: saihsbidearen oraingo obren amaieran, lotzen da Baserritar etorbidearekin, Mourlane Michelena kalearekin eta hilerrirako sarbidearekin.

Lehen 400 metrotan, Santa Engraziko eta Muliatako biribilguneen artean, saihsbidea bidegorri baten paraleloan doa, bien artean 0,60 metroko tarte utzita, eta tarte horretan zuhaixka moduko landareak jarri dira, hesi modura.

Obrak osatzeko, honako beste lan hauek egingo dira: hiru pasabide egingo dira Montaña eta Txiplau erreken gainean, Muliatako biribilgunean, eta Txiplau poligonorako sarbide berrian; Montaña erreka gainetik zeharkatuz drainadura obra egingo da Montaña biribilgunetik 150 metrora; errepidearen azpiko pasabidea, Tudela baserriaren ondoan, soilik oinezkoentzako, saihsbideak etendako landa-bide bati jarraipena emateko; eta, azkenik, Montaña inguruan beste bide bat, alde hartako baserrietarako sarbidea birjartzeko.



Mendebaldeko saihsbidearen irekiera ofizialean Joxe Joan Gonzalez de Txabarri ahaldu nagusia izan zen, Foru Aldundiko errepideetako ordezkaria eta Borja Jauregi alkatearekin batera.



Erdi Aroko Hirien Sarea



Erdi Aroko Hirien Sareko kide izango diren hamar alkateak Kale Nagusian behera. Behekaldean, Sare berriaren presidente eta bi presidente-ordeak, Lizarrako Alkatesa ezkerrean eta Almazan-goia eskuinaldean,



Ostiralean osatu zen Hondarribiko Carlos V paradorean Erdi Aroko Hirien Sarearen Elkartea. Bertan izan ziren parte hartzen duten hamar herrietako ordezkariak, alkate eta turismo zinegotziak nagusiki. Goizeko 10.00etan hasi zen osaketarako asanblada, Borja Jauregiren zuzendaritzapean, bera baita elkarteko lehen presidentea. Asanbladan zenbait gai jorratu ziren, Zuzendaritza Batzordeko kideak zeintzu izango diren, presidente, presidenteordeak, idazkari, diruzain eta bokalak izendatu zirelarik. Hortaz gain, sarera etorri den azken herria izendatu zen, Segoviako Pedraza hain zuzen ere.

Eguerdiko 11.45etan Alkate eta ordezkari politikoak Paradoretik irten ziren txistularien atzetik; ondoren auresku bat dantzatu zitzaaien autoritate guztiei. Eguerdiko 12:00etan hasi zen Udaletxeko Areto Nagusian sortutako elkartearen aurkezpen publikoa.

Jauregik ongietorria luzatu zien ordezkari guztiei. "Almazán (Soria), Consuegra (Toledo), Coria (Cáceres), Lizarra (Nafarroa), Biasteri (Áraba), Olivenza (Badajoz), Sigüenza (Guadalajara), Sos del Rey Católico (Zaragoza) eta Pedraza (Segovia) etorri den azkena. Hemen dira gure artean ere Oloron St. Marie eta Donibane Garazi, gonbidatu bezala".

Alkateak sare berriak egingo dituen zenbait jarduera izendatu zituen. "Gastronomia ekitaldi bat egogo da, Erdi Aroko pintxoez osatua. Herri bakoitzean lehiaketa bat egongo da eta garaileak Consuegran elkartuko dira urriaren 25 eta 26an finalean parte hartzeko. Hortaz gain, web gunea osatu eta berritu dugu, denon arteko kultur agenda bat osatu eta herri bakoitzak dauzkan baliabide turistikoak biltzen dituen liburuxka bat osatu ere".

Erdi Aroko Hirien Sareak lau presidenteorde ditu: hurrenez-hurren Lizarrako alkatesa, Almazan-goia, Olivenza-ko alkatea eta Consuegrakoa. Guztiak pozik agertu ziren sortutako elkarte berri honekin eta eskerrik beroenak eman zizkieten Borja Jauregi alkateari Hondarribiak egindako harrera ezinhobea eskertuz.

ofizialki osatu da Hondarribian

Eskubiko irudian, Alkateak Bruno Iriarte eta Koldo Emery mazeroen atzetik. Behekaldean aldiz, hamar herrietako ordezkarien irudi bat Udaletxeko Areto Nagusiaren atearen aurrean.




Behekaldean, sortu berri den Erdi Aroko Hiri eta Herrien sarearen mapa. Azken orduan ekimenera gehitu den Pedraza (Segovia) ez dago oraindik ibilbidean izendatuta.

Xabier Gezala, Hondarribiko kultur zinegotzia pozik da sarea errealitate bilakatu izanarekin. Baina elkarte zabal honen benetako ibilbidea orain hasten delakoan dago: "Orain artekoa nolabait parafernalia guztia izan da, eta orain hasi beharra dago sareak eman dezakeena lantzen eta aktibitate amankomunak sortzen", azaldu du EAJ alderdiko zinegotziak.

Gezalak esan zuenez, "dagoeneko informazio turistikoa zabaltzeko triptiko amankomunak, agenda kultural bateratua eta hiri guztien arteko pintxo txapelketa bat antolatuta dago".

Zentzu honetan, abiapuntuko sarearen onurak interesa piztu eta zabaltzen joan da. Aitor Kerejeta, Hondarribiako alkateordearen esanetan, "sarea nazioartera zabaltu da, eta dagoeneko Campomayor (Portugal), Oloron (Frantzia), Donibane Garazi (Baxe Nafarroa) edota Pedraza (Segovia) herri harresituak ere barneratu dira azken unean".





Emakumeek egindako artelan eta eskulanak erakutsi dira azken aste hauetan, Zuloaga Etxean eta Pascua Arte Galerian. Urtean zehar elkartean egindako lanen ondorioa dira.

Emeki Elkartek Emakumearen Astea ospatu du

Emeki Elkartek Emakumearen Astea ospatu berri du. Aurtan, omendua izan den emakumea Itxaropena tabernako Martxeli Irazoki izan da, martxoaren 11n ospatu zen ekitaldi hunkigarri batean omendua izan zelarik.

Montse Garmendiak, Emeki elkartearen presidentek azaldu zuenez, "urtero, bai bere etxean edo baita jende aurrean lan eta esfortzu handia egin duen emakume bat aukeratzen dugu. Kasu honetan, 85 urte dituen

Martxeli Irazokik, 60 urte daramatza Itxaropenan. Taberna ireki zuen bere garaian eta gaur egun oraindik sukaldetan aritzen da".

Hortaz gain, hilaren 8an, Emakume Langilearen Egunean, herri bazkaria ospatu zen eta egun berean, Emekik egiten dituen ikastaroetako partaideen lanen erakusketa ireki zen Pascua arte galerian. Gainera, Zuloaga Etxean, emakume artisten erakusketa egin da hilaren 8tik 18ra.



Emeki Elkartek urtero emakume bat omentzen du, bizitza osoan egindako lana eta eskaintzen duen emakumearen irudia eskertzeko asmoz. Aurtan, Martxeli Irazoki, Itxaropena tabernako sukaldaria, izan da omendua.

Ander Alvarez Euskadiko Txapeldun Optimist diziplinan

Ander Alvarez, Hondarribia Itsaskari Baitako kirolaria, Euskadiko Txapeldun suertatu zen Optimist kategorian, martxoaren 4an Bidasoako uretan antolatu zen txapelketan. Hasiera batean, txapelketa bi egunetan ospatzekoa zen, baina haizea lehen egunean agertu ez zenez, iganderako utzi zen.

Hondarribiko Itsaskari Baitak antolatutako txapelketa hone-

OPTIMIST DIZIPLINA

ALEBIN KATEGORIA

- 3 MORGANE FOUILLET (YCBASQUE)
- 2 JULEN ALZA (HONDARRIBIA)
- 1 NICOLA JOVE-DUVAL (RCMA)

INFANTIL KATEGORIA

- 3 SANTI PAGOLA (RCNSS)
- 2 JON OLAETXEA (HONDARRIBIA)
- 1 ANDER ALVAREZ (HONDARRIBIA)

KADETE KATEGORIA

- 3 ELISABETH THOMAS (GETARIKO KOSTABELA)
- 2 IMANOL RIBERA (HONDARRIBIA)
- 1 MIREN JUARISTI (GETARIKO KOSTABELA)

EUSKADIKO TXAPELKETA

- 1 ANDER ALVAREZ (HONDARRIBIA)

420 DIZIPLINA

- 3 INES VIAR ETA MARTA VIAR (RCMA)
- 2 HELENA NOGUERA ETA MONICA ARISTEGUI (RCMA)
- 1 MIKEL MUNILLA ETA PABLO DIAZ (VILLAFRANCA DEL RCNSS)

EUSKADIKO TXAPELKETA

- 1 MIKEL MUNILLA ETA PABLO DIAS (VILLAFRANCA DEL RCNSS)

tan partehartzea oso handia izan zen. Antolatzaileek esan digutenez, oso maila ona erakutsi zuten kirolariek. Hauxe izan zen garaileen zerrenda

Euskal Bela Ligako hurrengo lasterketak Arabako Ullibarri-Ganboan ospatuko dira apirilean eta Kontxako Badian maiatzean.



Parte hartze handia izan zen Hondarribiko Itsaskari Baitak antolatutako frogan

Sardara Hondarribiko Automobilismo Elkarteak denboraldia hasi du

Sardara Hondarribiko Automobilismo Elkarteak hasi da motorrak berotzen. Iaz Lesakako Rallysprint frogan parte hartu zuten, eta aurten, zenbait arazo gainditu ondoren berriz ere lehiari aritzeko prest daude.

Ion Muñoz gidari lanetan eta Jon Amiama laguntzaile bezala, martxoaren 11n Gabiriako Rally-an parte hartu zuten. 36. tokian sailkatu ziren, bigarren txandan bere aurretik zihoan autoak istripu bat izan ondoren lau minutuko penalizazioa jaso baitzuten hura laguntzeagatik.

Opel Kadett GSI 16v batekin aritzen dira hondarribiarrak, eta

hurrengo lasterketa Etxalarreko Palomeras-erako igoeran izango da apirilaren lehenean. Txapelketan dauden lasterketa guztietan parte hartzeko asmoa dute gazteek, eta horretarako ezinbestekoa da sponsor edo laguntzaileen eskua. Honako hauek dira: Uhinlan, Construcciones Fernandez, Indima, MZ Motorsport, Inmobiliaria Muñozarena eta Talleres Electro.



Hondarribiarrak trebezia handia erakutsi zuten



**eukeni
optika**

mirreizat zuretzat guztiontzat

San Pedro 57 • 20280 Hondarribia
943 643 805

**Focus
DAILIES™**

Ilusioaren esploratzailea
nirako gogotsuak



Ilusioaren gogotsuak

NI

nire nire lentillak
betarretakoak Focus DAILIES



**CIBA
Vision**

Satarka "A" maila**2.saria****ISILTASUNARI DURUNDIO**

Irati Goikoetxea

ISILTASUNARI

(Hor zaudelako, beti mutu)

Esku ahurretan biztaren arrastoetan zintzilik.
begi idortuetan malko izoztuen salatari,
honar ale bat eskumuturrean behera, denboraren mai-
tale

Isiltasun ezpain gorri
ez zaitez etorri.

Izututako lainoen aurpegi zurbila,
aldapa zimurtua poema makur zigortueetan,
bi lasto-mutur zubi urtsu itoen, izerdi egarri.

Isiltasun begi urdin.
banoa zurekin

LOA-LOA TTUNTULUN BERDE

Ipuinaren azken irribarrean
laburra da izarapean
eta betileetan txirikordatu dizkizu amets bat, eta bi
ametz.
Zaldi bat, eta bi hego;
adarra kopetan,
kantu hegan doa azukrezko mendi zurietan goxo,
eta maitagarriak bizi dira basoan.
Txokolatezkoak dira iratxoek etxeak.

Amaren eskua ttunttulunka ari da
ohe ertzean izarak marrazten
eta horregatik, gaua ez da oraindik hain ilun,
horregatik itsatsi zaizkizu ipurtargiak bihotzean,

eta orain ez duzu beldurrik.

Izara artean erreka bat dator
eta arrainak txipli.txapla jolasean urari
kantuan ari dira udaberriari.
Gaur ere ez da otsorik etorriko,
ametsak eraman duelako haurraren ipuina.
Eta ilun dago,
ilun dago argiaren azken aierua.
Ama
isilik dago haurrari begira;
eskua eman dion harraren loari. Ttunttulunka. Isilik.

**OROI EZAZU BILUZDURETAN MINTZO ZIREN
GURE BEGIEN DIZDIRA**

Gauetan gogoratzen da ilargiarekin
eta lainoek hozka egiten diote gehienetan
ilargi beteko gauetan zulo bat da
ekaitzak irentsi diona;
malkoak ihesi doaz
eta trumoi arteko itsasoak igerian ukitu dizkio ert-
zak
mutu,
urtu gabeko errekaetan behera.
Badaki bihotza ito zaiola.

Orain ihesi joaten zaizkio loreak,
eguzkiak erre zaizkie egunsentiei,
hautsa pilatu begietan. Ia oharkabean.

Orain lotsatiak dira ilunabarrak,
eta abuztua den arren, euria egiten du goizetan;



Industria tresneria
Elektrizitatea
Giltzen kopiak
Torlojugintza inoxidablea

MARINEL**Burdindegia**

Beñat Etxepare 12 / Txiplao 14
Tel. 943 64 17 88
20280 HONDARRIBIA

BAR ETXEBERRIA*Ald. Zuharrean***Kale Nagusia, 27 - HONDARRIBIA**

besdamotz gelditu zaizkie besarkadak,

Otsoak ulu egin dute,
baina, ilaregia ez da maitasuna marrazten ausartu.

Ane
isilik dago. Beññati begira;
eztanda bat entzun da eta ezpainak zulatu zaizkio. Isilik.

HANDITZEN ZARENEAN IKUSIKO DUZU ISILIK EGOTEAK ZENBAT BALIO DUN

Ilitzez josi dituzte olatuen soinekoak,
eta mezu itsua beltzez jantzitako kresala.
Badoa itsas labarra, badoa
portuko sare ahaztuak bizkarrean hartuta.
Gose da hegoaldera begira eskatu den eskua.
Moztu egin diote eta eguzkia erori egin da Afrikatik gora.

Itzal bat korrika, harrika
eta betaurreko beltzak lurrean. Mozlortuta.
Belaun buruetan bi mamu kateatu dira,
eta akohola hustu dizu belarretik madarikatuak!

Zulo ba, eta zuloan bi suge
eta sugean miztoa, eta miztoan odola.
Odolean sua, eta suan izua,
eta izuan tximistak, eta tximistetan hitzak.
Hitzetan bi zulo. Trumioia.

Mundua
isilik dago aintzirari begira;
ispilu hautsia da aurpegian ikkusi duena. Isilik.

EZKILAK ZEUDEN ISILIK NIK EZ BAITAKIT ZERGATIK

Burdinazkoa du ametsak atea,
bakardade gorrian errea,
eta hilarriaren aurrean
begiak erre kara bota ditu korrontea itsasoan sutu den
arte.

Orduan busti da eguzkia,
tximistak itzal bihurtu dira, trumioiak mutu.
Eta esku arteko loreari heriotza margotu dio;
beltzez jantzitako arrosak ederrak dira oraindik,
tamalez,
ahaztu zaio bakardadea,
burdinazko ate ametsik gabea.

Jainkoaz egindie galde
hilerrirainoko bidean zorabiatu ez diren txoriei;
zirina utzi dute bihurgune bakoitzeko
zirina utzi diote gurutze erdoilduari,
Txoriei ere beldurra ematen die heriotzak,
eta ez dute abestuko
agian, negura arte.

Hiltzen ikasten dutenean joana izango da negua.



Aitona
isilik dago amonari begira;
itxaroteko esan dio. Pixka bat. Itxaroteko. Berarekin
doala. Isilik.

Txistu egin zioten
eta isiltasunak, zutik, burua makurtu zuen.

Beharbada iluntasunari lapurtu nion
eta iluntasuna hizketan hasi zaidanean
ohartu naiz.

Beharbada
ohartu naiz
hizketan audena
ez zaudela beti,
mutu hor.

Eta udazkeneko orbel lanbrotsuen haizeari bi laxo egin
dizkiot oinpean.
Oihu egin dut;
oihu egin dut isiltasuna zartzatzeko beldurrez.



Inkisizioa Hondarribian XVII. mendean



Koldo Ortega

Hondarribiko gazte bat, Jokin Goiburu, bere eguneroko lana bete ondoren, gaueko batxilergoan ikasle dugu Pio Baroja Irungo Institutuan. Beti, jakin nahian, duela gutxi honakoa galdetu zidan: Hondarribian Inkisizioa aritu al zen?

Hori dela eta, Udal Artxibategira jo dugu eta bertan zenbait agiri aurkitu ditugu lantxo hau egin ahal izateko.

Inkisizioaren kokapen historikoa

Heretikoak aurkitu eta zigortzeko Eliza Katolikoak sortutako eliz-azutegi iraunkorrari esaten zaio inkisizioa. Inozentzio III.ak sortu zuen 1215ean, heresia zapaldu eta heretikoak zigortzea helburua zuen prozedura kanonikoa. Erakunde, ordea, Gregorio IX.ak sortu zuen 1231an, katar edo albitarren aurka borrokatzeko. Domingotarrek hartu zuten auzitegiaren ardura. 1252an, Inozentzio IV.ak Inkisizioak prozesu eta tortura erabiltzea onartu zuen. Oso auzitegi ankerra izan zen. Erruduntzat jotakoak gogor zigortzen zituzten, zigorrik handiena sutan erreta hiltzea zen. Inkisizioa Siziliara, Napolira, Milanera, Herbereetara eta, geroago, Ameriketako kolonietara ere zabalduta zen. Heretikoa edonon aurkitu, epaitu eta zigortzeko sistema oso bat zen Inkisizioa. Katar eta albitarren aurka eraginkorra izan zen, baina, protestantismoaren aurka, Espainia eta Italian izan ezik, ezin izan zuen ezer egin Europan.

Euskal Herria lehenengo Kalagorriko tribunalaren menpe

zegoen, eta gero, Logroñoakoaren pean. Inkisizio modernoa tresna eraginkorra izan zen egoera politikoa kontrolpean edukitzeko, baita ere, sortu nahi zen estatu-motaren berdinkeria ideologikoaren disidentzia zigortzeko. Inkisizioaren helburua heretikoak zigortzea zen, baina "heretiko" hitza-zen azpian gauza asko sar zitezkeen eta, Gaztela-Aragoiko eta Frantziako monarkiak muga Piriñotian jarri nahian ari ziren. Monarkia haren kontra zegoen guztia susmopean jarri zuten: mugak itxi zituzten, odol garbitasuna aldarrikatu zuten, hizkuntza bakarra, eliza bakarra eta jainko bakarra ezarri, eta hortik kanpoko zegoena desagerrarazi.



Inkisizio Santuaren armaria

Espainiako Felipe II.aren garaian, 1575ean, Hego Euskal Herrian egin zen sorgin jazarpena ikaragarria izan zen. Iparraldean, berriz, Enrike IV.ak bidali zuen Lapurdira De Lancre magistratu frantziarra, 1609an. Sorginen aurka egin ziren prozesu basatienak Zeberion (Bizkaia), Zugarramurdi (Nafarroa Garaia) eta Lapurdin (Iparralde) egin ziren. XVII. mendearen hasieran Inkisizioak beste egiteko ugari bete zuen, ia beti kristau-ortodoxiaren defentsan edo aitzakian:

muga eta portuetako jende- eta liburu-trafikoaren kontrola adibidez. 1834. urtean desagertu zen behin betiko Inkisizioa eta Pio X.ak 1908an "Ofizio Santua" izeneko kongregazioa sortu zuen haren ordez. Joan Paulo II.ak barkame-na eskatu zuen 2004ko ekainaren 15ean, Roger Etxegarai

ARRANTZALEEN KOFRADIA

Eguneko menua, Ekitaldiak, Ibilaldi belaontzian,
Menu bereziak, Komunioak

www.navegavela.com
Bela ikastaroak

Paseo Ramón Iribarren, nueva lonja - 20280 HONDARRIBIA
Telf.: 943 64 42 12

Hemen zure opariak eros ditzakezu; PSP, PS2, filmeetako pertsonaiak...

Puntuak opariengatik aldatu, Orange txartelarekin

Etxez-etxeko zerbitzua duen zure bideo kluba

kardinal lapurtarrari bidalitako gutun baten bidez: Inkisizioak egindako gehiegikeriak fedearen eta jainkoaren aurka-koak izan zirela esanez.

Eta Hondarribian zer?

1603ko Akta Agiria irakurrita, datu interesgarriak topatu ditugu. Orduko Hondarribiko alkateak Domingo de Aramburu eta Martin Saenz de Aldacoa ziren. Duela 404 urteko dokumentu hau irakurtzen jarraituta, zera irakur dezakegu: "Nos, los inquisidores contra la heretica, pracidad y apostasia en todo el Reyno de Nabarra y Obispado de Calahorra y la calzada, señorio de Vizcaya y provincia de Guipúzcoa, y en todas las tierras y jurisdicción del Arzobispado de Burgos por los montes de Oca (...) y bien del Santo Oficio de la Inquisición que en esta villa de Fuenterravia aya algunos familiares para que hagan y cumplan lo atendi-do, consideramos que Jacobe de Azaldegui sois persona de buena y limpia parte, pacifico, quieto, honesto, apartado de ruidos y escandalos". Testuan aurrerago ikusten denez, pertsona honek defentsa eta erasorako armak eramateko eskubidea dauka, eta 200 urrezko dukado ordainduko zaizkio. Aurrerago, Martin Saenz de Zuloaga zenari eskubide berberak ematen zaizkio.

Guzti honek, Inkisizioa Hondarribian ere existitu zela argi uzten digu. Gai interesgarria benetan noiz-bait sakondu eta behar moduko lan bat egin ahal izateko.

Hondarribian Inkisizio Santuari buruz dauden erreferentziak ugariak dira. Kasu honetan, 1603. urteko dokumentuek diotena da aztertu duguna, hala ere, Udal Art-xibategian informazio anitz dago. Ikerketa sakon bat egiteko moduko dokumentazioa.



OTXOA JANARIDENDA

*Barazki, fruta eta
horrelakoetan aukera handia*

San Pedro 43
Tel. 943 64 16 84
20280 HONDARRIBIA

Ondare

- GOZOTEGI
- OKINDEGI ARTESANALA
- TERRAZADUN
- KAFETEGIA
- HAUR FESTAK

C/Amute, 6 bajo
Tel.: 943 64 62 82
HONDARRIBIA

Endaika, arraunaren inguruan lanean

Bailarako hiru elkarten elkarlan baten alde daude hendaiaarak



Endaikako beteranoak Armintzan bandera irabazi zuten eguneko argazkia

Duela aste gutxi Bidasoako Jaitsiera ospatu zen Bidasoako uretan. Ohiko partehartzea izan zen kategoria guztietan, eta sailkapenak begiratzaren hasita, atentzioa deitu zigun beteranoen kategorian Endaika izan zela garailea. Hori aintzat hartuta, beraiekin kontaktuan jarri eta elkarte horren gaur egungo egoerari buruz zerbait jakin nahi izan genuen.

Andoni Etxarriekin egin genuen hitzordua, aski eza-guna Hondarribian eta inguruetan. "Suhigaraixipi izeneko traineruarekin aritzen gara, Hendaiaiko korsario bat zena. 22 gizon aritzen gara, gutxi gora behera 47 urteko media dugu. Beste batzuen artean, Aitor Sorondo eta Iñigo Eiguren gurekin dabilta. Trainerua Olaziregik egindakoa da, Hondarribia Arraun Elkarateak guri emandakoa. Hortaz gain, 1967. urtean Ama Guadalupekoak Kontxan irabazi zuen trainerua ere gure Elkartean gordetzen dugu" dio Andonik.



Tosta mugikorrek kadeteen irudi bat

higikorrean aritzen gara" jarraitzen du Andonik. "50 mutil eta neska, infantil, kadete eta jubenil kategorietan. Eraitza nahiko onak lortzen argi gara, eta bereziki Jessica Berra aipatu behar dugu, Frantziako txapeldun izan baita Skiff-ean. Agian Joku Olinpikoetara heltzeko aukera izango du".

Etxarrik Hondarribia eta Irungo arraun elkarteekin elkarlanean aritzeko gogoia dauka. "Nik uste garai onean gaudela hiru arraun elkarteak elkartu, mahai baten inguruan eseri, eta bakoitzak bere ezaugarriak azaldu. Aisialdiko aktibitateak egin daitezke, eta biharko egunean norbait interesgarria ateratzen bada, dudarik gabe Hondarribia Arraun Elkartera joango litza-teke. Guk ezin dugu traineru bat atera, eta gure trainerua Hondarribia dela argi daukagu. Ez da ahaztu behar duela 10 urte Ama Guadalupekoaren bigarren trainerua guk eraman genuela ere, oso esperimentzia polita izan zen guretzat, han zeuden beste askoren artean Joseba Amunarriz, Gonzalo

Carrion...".

Ez da idea txarra, gainera hitz egitea beti da onuragarria.

Endaikaren lan nagusia arraun eskolan zentratzen da. "Banku

a-dos moda

Calle Zuloaga, 14
20280 Hondarribia (Gipuzkoa)
Tel: 943 11 19 69

ZABALA

ZABALA

San Pedro Kalea 8
Hondarribia
Tfn. 943 642736

Nekazaritza ekologikoaren alde

Nekazaritza ekologikoak, ohiko nekazaritzak ez bezala, ez du erabiltzen ez ongarri kimikorik, ez pestizidarik, ez fitohormonarik, ez gainerako sintesi-produktu kimikorik. Honela, ziklo biologiko naturalari eusten dio eta ez dio ingurugiroari kalterik egiten. Nekazaritza ekologikoak hiru oinarri dauzka: ongarri naturala, bere egiturari kalte egin barik lurra lantzea eta labore elkartua eta txandakakoa.

Gure baserriarren jarraipena ziurtatzea.

Nekazal ustiapen txikia indartzen du eta nekazal lanpostuak sortzea errazten du.

2.- Lurraren higadura murriztea.

Lur bizia, era naturalez ongarritua, granja ekologikoen elikakateko ardatza da. Granja konbentzionaletan, lurra leheneratzeko duen ahalmen naturala baino zazpi aldiz bizkorrago higatzen da.

3.- Uraren kalitatea babestea.

Granja konbentzionaletan erabiltako pestizidek kutsatu egin dituzte biztanleria erdia baino gehiagok duen edateko uraren iturriak.

4.-Energia murriztea.

Gaur egun energia gehiago erabiltzen da ongarri sintetikoaren produkzioan, goldatu, erein eta uztatzen baino. Nekazaritza ekologikoak energia handia aurrezten du egiten duen erabilera egokiari esker.

5.- Kimikarik gabe jatea.

Pestizidak organismo biziak hiltzeko asmoz egindako pozoiak dira eta horregatik gizakiontzat ere kaltegarriak izan daitezke.

6.- Nekazariaren osasuna zaintzea.

Herbizidekin lan egiten duten nekazariak gainerako langileek baino 6 aldiz errazago har dezakete minbizia. Urtean, milioi bat nekazari pozoitzen dira herbizidekin munduan.

7.- Nekazal garapenerako tresna.

Nekazaritza ekologikoak nekazari-lanpostuak sortu eta mantentzen ditu, eta nekazal jarduerari lehentasuna ematen dio garapen-prozesuan.

8.- Biodibertsitatea erraztea.

Monolaborantza nekazaritza tradizionalaren era estandarra da, plagiziden erabilera hamar aldiz handitu bada ere, uztak bikoiztu baino ez dira egin. Nekazaritza ekologikoak ordea, bere praktika tradizionalekin, biodibertsitatea errazten du.

9.- Tokian tokiko merkatuak bultzatzea.

Baserriarri zuzenean erosiz gero, nekazaritza ekologikoren produktuak ez dira garestiago egiten eta balio erantsi guztia baserriarren eskuetan uzten dugu. Honela, ekoizlea-kontsumitzailea harremana hobetzen da.

10.- Zapore hobea gozatzea.

Granja ekologikoetan lurzorua bizirik eta osasuntsu egonda, landareak hobeto daude eta haiek jatean gure zaporea ere bai.

11.- Etorkizuneko belaunaldiak zaintzea.

Guk ez dugu lurzorua gure gurasoengandik oinordetzan hartu, maileguan daukagu gure seme-alabentzat baizik.

Ofertas Esquaintzak

-Aloe Vera Xanpu 200ml: 13,25€

2 unitate %20

-Aloe Vera Gela 100ml: 7,50€

2 unitate %20

-SHIITAKE pate begetala: 3,20€

2 unitate %30

-LIMA txokolatzeko batidoa 200ml:

1,10€ - 2 + 1 dohainik

-QI Te berdea mentarekin: 3,65€

2 unitate % 30

-ROBIS erregina-jele 1800mg: 18,88 €

2 unitate %20 edo 2+1 dohainik

.Arreta pertsonala


EUSKAL LIBURUAK EROSTEKO AUKERA OLEARSO LIBURUDENDAN



EZ DADILA EGUZKIA SARTU


Gerrako lubakitik futbol-zelaira eramane zizuten hainbat gazte 1937ko udaberrian. Futbolariak ziren denak ere, Espainiako ligan hainbat ekipotan jokatu ohi zutenak, baina

baloia ordez fusila hartu zutenak, Euskadi eta Errepublika defendatzeko. Agintariak, ordea, galtza motxetan jarri zituzten berriez, Euskadiko selekzioa osatuz eta European barrena zenbait partida jokatuz mesede handiagoa egingo zutelakoan. Propagandaren partida inportantea baitzen gerra irabaztekoan, lubakiak bezainbat.



HONDARRIBIA ETA IRUNGO EUSKARA

Hondarribiko eta Irungo hizkerak dialektologi alderditik aztertzea da liburu honen helburu nagusia: hizkuntz ezaugarri eta arau nagusien bilduma egin, eta zein ezaugarrietan diren berdinak eta zeinetan ez agertzea. Era berean, hizkerok euskalkien sailkapenean dute kokaguneari buruzko argibideak ematea



HONDARRIBIA IRUDITAN

Duela urte batzuk, udal artxiboak postal bilduma eskuratu zuen, XIX. mende bukaeratik, gure hiriko bizitza, arkitektura eta paisaia islatzen zituenak. Proiektu honen bidez, postalak interesatuen esku egotea lortu nahi da. Hori dela eta, postal hauek CD batekin argitaratu dira. Postal hauek, gaika multzokatuak, Martin Iturbe jaunak eta Jesus Mari Mendizabal "bizargorri" idatzitako olerki eta bertsoen sarrera dute. Gainera CDan, hiriko kulturaren ondarea diren hainbat musika biltzen dira. Idazkera, irudia eta musika bat egiten diren proiektua.



HONDARRIBIKO HISTORIA

Liburu honen bidez gure hiriaren Historia bildu nahi izan da era kronologikoan Historiaguruetatik frankismora arte. Horretarako 15

historialariko taldearen lankidetzaz izan da Deustuko Unibertsitateko Jose Luis Orella irakasleak koordinatuta. Fidaragritasun historikoa duen liburua eta derrigorrezko kontsulta liburu bihurtuko dena. Historialari taldea honako hauek osatzen dute: Jesus Altuna, M^a Mercedes Urteaga, Jose Luis Orella, Lourdes Soria, Manex Goienetxe, Antonio Prada, Carlos Larrinaga, Pedro Barruso, Alvaro Aragon, Iñigo Hidalgo, Maria Isabel Astiazaran eta Txomin Sagarzazu.



KARABANA BATEAN BIZI NAIZ

Daniel karabana batean bizi da gurasoekin, arrebeekin eta aitonarekin. Beti leku batetik bestera ibiltzen dira. Aitona asko maite du Danielek, nahiz eta batzuetan gogaitu egiten den haren historia zaharrekin. Aitonak jende ibiltarien kontu zaharrak berritzen jarduten baitu beti; beren bizimodua nolakoa zen garai batean, karroan ibiltzen zirenean behorak tirata, edo suaren garrantzia, suak berotatsuna ematen baitu, eta denik eta sendabiderik onena baita, aitonaren esanetan, bat gaixotzen denean. Danielek gustuko du karabanako bizimodu ibiltaria, abentura asko bizitzeko aukera ematen baitio horrek. Eta lagunei nola bizi diren kontatzen dienean, inbidia eragiten die guztiei.



PASEOS POR LA CIUDAD

Hirian barrena irudimezez ibiltzen lagunduko dizu liburu honek, inguruari erreparatzeko eta etxe edo ikuspegi baten aurrean gelditzea gonbitea egingo dizun testu baten laguntzaz. Testuarekin batera modu eraginkorrean, irudimena piztuko dizuten akuarela, marrazkiak, irarlanak eta argazkiak azalduko zaizkizu.



**OLEARSO LIBURUDENDAN ESKURAGAI DITUZU
EUSKARAZKO LIBURU UGARI**

ETOR ZAITEZ ETA GALDETU!

**San Pedro 12 - HONDARRIBIA
Telf: 943 64 25 25**



Jarduera berriak: informa zaitez!

UNIBERTSITATEAN SARTZEARI ETA UNIBERTSITATE ORIENTAZIOARI BURUZKO KANPAINARAKO IRUDIA ETA ESLOGANA SORTZEKO LEHIAKETA

Lehiaketa hiru kategoriatan banatzen da:
Eslogana, Irudia eta Irudia eta eslogana.

Partehartzaileak:
bigarren hezkuntzako, lanbide heziketako eta goi mailako heziketa zikloetako ikasle izan behar dute.

Sariak:
DELL markako ordenagailu eramangarria kategoría bakoitzean.
Parte hartzaile guztien artean EHUKo 50 elastiko eta DELL markako ordenagailu eramangarria zozkatuko dira.

Aurkezteko epea:
Lanak 2007ko apirilaren 30era arte aurkez daitezke.

Informazio gehiago nahi izanez gero etorri bulegora edo sartu www.ehu.es web orrialdean

GAZTEEN EMANTZIPAZIO PROGRAMA

Gazteen emantzipazioko bulego birtuala ezagutu nahi al duzu?

Han lana eta etxebizitzari buruzko informazio ugari aurkituko duzu. Honi buruzko zalantzak argitu eta etxetik joateko behar duzun informazio interesgarria eskuratuko duzu.

Den dena ikusteko
www.emancipacionjoven.es
web orrialdean sar zaitez!



Zein da kale honen izena?



Beste behin ere heldu gara irakurleak hain gustuko duen aldizkariaren atalera. Udal Euskara Batzordean jasotzen den gutun kopurua ikusita, lehiaketan gero eta jende gehiagok parte hartzen duela ohartu gara. Ia gehienek gainera erantzun egokia ematen dute.

Martxoko alean jarritako galderari ia 40 pertsonak erantzun diote era egokian. Jasotako gutun guztien artean, irabazlea **Eider Bereau Goikoetxea** da. Berak esan bezala, irudi hartan agertzen den ermita edo baseliza Jaitzubia auzoan dago. Afarirako txartela Udal Euskara Batzordean jaso behar da.

Orain luzatzen dizuegun galdera beste bat da. Gure herriko kale baten berri galdetzen dizuegu. Gaztelekutik mendi aldera doan bide bat da, askotan handik igarotakoak izango gara gehienok. Hala ere, askok ez dugu jakingo zein den kale honen izena, eta berriz ere hara joan beharko dugu kartela begiratzera.

Erantzuna jakindakoan, bidali Udal Euskara Batzordera, apirilaren 13a aurretik, Beko Errota jatetxean bi pertsonentzako afaria zuentzat izan daiteke eta.

GURE ETXEA



Gosariak
Eguneko menuak:
4 sarrerako
4 bigarren platera
Afaltzeko plater konbinatuak

CAFETERIA

C/ San Pedro, 34
Telf. 943 645 597
20280 HONDARRIBIA

egueroko menuak
sukaldaritza berria
eguneroko plater berriak
gautz, gure karta zehala, informala

Telf.: 943 641 952

san pedro kalea, /9
20280 hondarribia



Butroi pasealekua 1915ean



Hondarribiaren historiaren lekuko diren irudiak argitaratzen ditugun atalera iritsi gara berriz. Udal Artxibategiak daukan altxor haundiari etekina ateratzea da atal honen helburuetako bat, baina hilero ez da zertan argazki berdinak atera behar.

Oraingo honetan, Udalak 2003. urtean argitaratu zuen 'Hondarribia iruditan' liburura jo dugu, bertan dauden altxorretako bat argitaratzeko asmotan. Hondarribiak, zenbait gunetan urte hauetan jasan duen aldaketa haundia ikusteko oso baliagarria den irudi bat da.

1915an ateratako irudi bat da eta ikusi besterik ez da egin behar zer nolako aldaketak eman diren bai hondartzaren egitura, kalearena eta zer esanik ez, etxebizitzetan.

Era honetako argazkiak dituzuenok eta Hondarribia aldizkarian argitaratzea nahi duzuenok, Udal Euskara Batzordera eramatea besterik ez duzute. Hara joaterik ez baduzue, posta elektronikoz ere bidali dezakezue argazkia, euskara@hondarribia.org helbidera.



**GOZOTEGIA
KAFETEGIA**

San Pedro, 4 - 20280 HONDARRIBIA
Tel: 943 641 047



Hiera Bidea, 8/6 - 20280 Hondarribia
Tel. 943 642 712 - Fax 943 641 105
www.arrokaberri.com



Fermin Olaskoaga

FERMIN OLASKOAGAK jasotako datuak:

Otsaila2007

JAIOTZAK

3an: PAULA Sarasola Itxazo, Irungo Jose Antonio eta Donostiako Bibiana Lourdesen alaba.

6an: UNAI Kerejazu Aramendi, Gasteizko Roberto eta Hondarribiko Monicaren semea.

8an: UNAI Eizagirre Rodriguez, Hondarribiko Manuel eta Donostiako Lauraren semea.

8an: PEIO Muñoz Castellanos, Hondarribiko Iñigo eta Hondarribiko Monicaren semea.

8an: ENARA Vazquez Arranbide, Bilboko Luis Maria eta Hondarribiko Garbiñeren alaba.

9an: HARITZ Lojo Legorburu, Donostiako Imanol eta Pasai Donibaneko Aneren semea.

15ean: AIMAR Caro Lekuona, Donostiako Roberto eta Lesakako Jasoneren semea.

16an: XUBAN Olaskoaga Erro, Hondarribiko Angel Maria eta Donostiako Maria Eugeniaren semea.

17an: JOAN Cardona Valdajos, Manizales-ko (Kolonbia) Guillermo Alberto eta Hondarribiko Maria Begoñaren semea.

17an: AMETS Manterola Arozena, Hondarribiko Iñaki eta Hondarribiko Maria Mercedesen semea.

17an: LUR Labaien Gallego, Hondarribiko Eñaut eta Irungo Elisaren alaba.

18an: NAROA Ugartemendia Mellado, Donostiako Pedro Jose eta Elgoibarko Soniaren alaba.

19an: JON Etxebeste Gesalaga, Hondarribiko Gregorio eta Zarautzko Anaren semea.

24an: JULEN Zapiain Bueno, Hondarribiko Asier eta Irungo Idoiaren semea.



EZKONTZAK



24an: EÑAUT Labaien Zapirain, Hondarribikoa, eta **ELISA Gallego Moreira**, Irungoa.

HERIOTZAK

2an: MARIA JOSEFA Sagarzazu Olazabal, Hondarribikoa, 73 urte, Puntalean.

2an: JAVIER MARIA Altuna Goñi, Hondarribikoa, 66 urte, Bernat Etxepare kalean.

5ean: MARIA Valencia Zabalza, Tafallakoa, 94 urte, Masti kalean.

8an: CECILIA Campo Brea, San Vicente de la Sonsierra-koa (La Rioja), 90 urte, Zigarroa baserrian.

13an: ANA MARIA REGINA Ewald Geb, Alemaniakoa, 94 urte, Gibeleta etxadian.

17an: JUAN Bujanda Caro, Torres del Rio-koa (Nafarroa), 94 urte, Soroetaberri etxadian.

19an: JOSE Aginagalde Lizarraga, Hondarribikoa, 83 urte, Gaintzaberri baserrian.

20an: CONSUELO Olazabal Mendizabal, Hondarribikoa, 86 urte, Bernat Etxepare kalean.

20an: DOLORES Hernan Moya, Argamasilla de Alba-koa (Ciudad Real), 72 urte, Javier Ugarte kalean.

20an: PEDRO Irigarai Errea, Auritz/Burquetekoa, 95 urte, Itsasargi kalean.

24an: MARIA JESUS Soria Jimenez, Fiterokoa, 78 urte, Ramon Iribarren kalean.

24an: IGNACIO Odriozola Lizarazu, Hondarribikoa, 71 urte, Zaldunborda baserrian.



OTSAILAKO EGURALDIAREN DATUAK. (Hondarribiko aireportutik jasoak).

Temperaturarik gorena:	24,8° C, hilaren 16an.
Temperaturarik beherena:	1,7° C, hilaren 3an.
Batez besteko tenperatura:	12,0° C.
Batez besteko hezetasuna:	% 69
Euri-litroen kopurua:	179,1 litro.
Egunik euritsuena:	hilaren 12an 31,9 litro.
Euri indartsuenen unea:	hilaren 12ko 10,20tan, 34,2 litro.
Egun euritsuak:	22 egun.
Elur egunak:	0 egun
Kazkabar egunak	1 egun
Ekaitz egunak	0 egun
Behe-laino egunak:	0 egun
Ihintz egunak:	6 egun
Eguzki kopurua:	80,1 ordu
Batez besteko presioa:	1015,5 milibar
Presiorik gorena:	1031,3 milibar, hilaren 1ean
Presiorik beherena:	998,5 milibar, hilaren 8an
Haizea >55 Km/ord.	12 egun
Haizerik indartsuena:	hilaren 14ko 10,50tan, 108 Km/ord.

ARRANTZALE KOFRANDIAN OTSAILEAN SALDUTAKO ARRANTZA KOPURUAK

Txitxarroa (Trachurus trachurus): 1.900,10 kilo
Sardina (Sardina pilchardus): 23.110,80 kilo
Berdela (Scomber scombrus): 689.851,10 kilo
Zapatari (Gerris): 47,90 kilo
Dorada edo Urraburu (Sparus aurata): 0,60 kilo.
Boga (Boops boops): 857,90 kilo.
Erla (Lithognathus mormirus): 2.031,20 kilo.
Korroko (Chelon Labrosus): 92,50 kilo.
Muxar handia (Diplodus sargus): 169,80 kilo.
Lupina (Dicentrarchus labrax): 2,30 kilo.
Bestelakoak: 13,20 kilo.

HERRIKO BIZILAGUNEN GORA-BEHERAK OTSAILEAN

Altak: Jaiotzak: 14, eta kanpotik etorriak: 49
Bajak: Hildakoak: 15, eta herritik joanak: 53
Biztanle kopuru orokorra: 16.399 bizilagun.

OTSAILEKO UDAL LIBURUTEGIKO DATUAK.

Mailegatutako liburuak: 447 euskaraz, 1203 gaztelaniaz eta 26 bestelakoak. Guztira: 1676 liburu.
Ekarri diren liburu berriak: 38 euskaraz, 225 gaztelaniaz eta 5 bestelakoak. Guztira: 268 liburu.
Bazkide berriak: 6 gizon eta 13 emakume. Horietatik 11 heldu eta 8 haur. Guztira 19.

Gehien mailegatutako liburuak:

Haurrak:

Euskeraz: ASBHE, Jeanes.- Ilun dago.- Ttartalo.
Gaztelaniaz: TAKAYA, Natsuki. -Fruits Baskets.- Norma.

Helduak:

Euskeraz: IRIGOIEN, Joan Mari.-Babilonia. - Elkar.
Gaztelaniaz: FALCONES, Ildefonso.- La catedral del mar.-Grijalbo.

Joski

. LENTZERIA ARROPA
. HAURRENTZAT ARROPA

Matxin de Artzu kalean, 18 zenbakian Tel.: 943 64 17 65
20280 HONDARRIBIA





Zure ospakizunak
ahaztezinak bihur
daitezen

1982 - 2007

25 URTE HONDARRIBITARREN ZERBITZURA

MAIZUBIA- Tel. 943 64 31 94 - 20280 HONDARRIBIA - www.bekoerrrota.com



Argazkia: "Argazkiak, Hondarribia atzo"
Jose Maria Castillo

www.doble-a.com



Amute 8 - beheia C Hondarribia
Telf.: 943 667 003

doble A PROTECCION SOLAR

Kortinak
Oihalak
Margo-papera
Jardineko altzariak